



Broj: 17-50-1-1475-34/19
Sarajevo, 19. aprila 2019. godine

**PARLAMENTARNA SKUPŠTINA
BOSNE I HERCEGOVINE
SARAJEVO**

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO 25-04-2019

Organizaciona jedinica	Klasifikaciona oznaka	Redni broj	Broj priloga
01,02-50-18		888/13	

B

Predmet: Izvještaj Predsjedništva BiH o pomilovanjima za 2018. godinu

1. Pravni osnov za davanje pomilovanja

Članom 119. Krivičnog zakona Bosne i Hercegovine (*Službeni glasnik BiH, broj: 3/03, 32/03, 37/03, 54/04, 61/04, 30/05, 53/06, 55/06, 32/07 i 8/10*) reguliran je institut pomilovanja, a u stavu 2. navedenog člana određeno je da pomilovanje za krivična djela propisana Krivičnim zakonom Bosne i Hercegovine može dati Predsjedništvo Bosne i Hercegovine svojom odlukom u skladu sa Zakonom.

Na osnovu člana IV. 4. a) Ustava Bosne i Hercegovine, istovremeno imajući u vidu i zakonski osnov iz člana 119. Krivičnog zakona Bosne i Hercegovine, Parlamentarna skupština Bosne i Hercegovine donijela je Zakon Bosne i Hercegovine o pomilovanju (*Službeni glasnik, broj: 93/05*), koji je stupio na pravnu snagu dana 08. 01. 2006. godine.

Predsjedništvo Bosne i Hercegovine, u skladu s članom 2. Zakona Bosne i Hercegovine o pomilovanju, može osuđenim osobama dati pomilovanje za krivičnopravne sankcije koje je izrekao Sud Bosne i Hercegovine ili drugi sud u Bosni i Hercegovini, kada je na njega Sud Bosne i Hercegovine prenio vođenje postupka, zatim za krivičnopravne sankcije koje nije izrekao sud u Bosni i Hercegovini, a izvršavaju se u Bosni i Hercegovini, kao i za pravne posljedice osuda.

Član 3. navedenog zakona propisuje da se pomilovanje ne može dati za krivična djela genocida, ratnih zločina, ni zločina protiv čovječnosti.

Članom 4. navedenog zakona propisano je da se poimenično određenoj osobi može dati potpuno ili djelimično oslobađanje od izvršenja kazne ili zamjenjuje izrečena kazna blažom kaznom ili uslovnom osudom, zatim ukida ili određuje kraće trajanje izrečene mjere sigurnosti zabrane vršenja poziva, djelatnosti ili dužnosti, ukida pravna posljedica osude ili određuje njeno kraće trajanje i određuje brisanje osude.

Davanjem pomilovanja ne utiče se na prava trećih osoba koja se zasnivaju na presudi

2. Komisija za pomilovanje

S ciljem efikasnijeg postupanja po molbama za pomilovanje, a na osnovu ovlaštenja iz člana 21. Zakona Bosne i Hercegovine o pomilovanju, ministar pravde Bosne i Hercegovine imenovao je Komisiju za pomilovanje koju čine pet članova i njeni članovi ne mogu biti nosioci pravosudnih dužnosti.

Komisija za pomilovanje radi u sjednicama, te u skladu s odredbama člana 8. do 16. naprijed citiranog zakona postupa po dostavljenoj molbi za pomilovanje, ispituje njenu ispravnost u formalno-pravnom smislu, odnosno ispituje da li je podnesena od ovlaštenih osoba i da li je blagovremena, zatim razmatra sadržaj molbe, prikuplja relevantne podatke i informacije, te daje mišljenje na osnovu koga se sastavlja izvještaj o molbi za pomilovanje, i to pojedinačno za svaku osuđenu osobu.

U sačinjavanju izvještaja po molbi za pomilovanje, Ministarstvo pravde BiH – Komisija za pomilovanje je obavezna pribaviti pojedinačno obrazložena mišljenja o pomilovanju za svaku osuđenu osobu, s posebno naznačenim razlozima za i protiv pomilovanja, i to od Suda Bosne i Hercegovine i kazнено-popravnog zavoda u kome osuđeni izdržava kaznu zatvora.

3. Razmatranje zahtjeva za pomilovanje

Imajući u vidu naprijed navedeno, a u skladu s članom 16. navedenog zakona, Ministarstvo pravde Bosne i Hercegovine je u predmetnom periodu, od 01. 01. 2018. godine do 31. 12. 2018. godine, dostavilo Predsjedništvu Bosne i Hercegovine ukupno 5 (pet) molbi za pomilovanje osuđenih osoba zajedno s izvještajima o molbi za pomilovanje i obrazloženim prijedlozima Ministarstva pravde Bosne i Hercegovine za donošenje relevantnih odluka.

Predsjedništvo Bosne i Hercegovine je svojim odlukama u svih 5 (pet) slučajeva odbilo molbe za pomilovanje.

Od strane ovog ministarstva zaprimljene su još 4 (četiri) molbe za pomilovanje u 2018. godini, čiji je zakonski postupak obrade od strane Komisije za pomilovanje je završen i iste su u 2019. godini dostavljene Predsjedništvu Bosne i Hercegovine na odlučivanje.

Takođe, postupajući u okviru svojih nadležnosti, Komisija za pomilovanje je u 3 (tri) slučaja zaprimljene molbe za pomilovanje dostavila na odlučivanje nadležnom Federalnom ministarstvu pravde, a u 1 (jednom) slučaju Ministarstvu pravde Republike Srpske, dok se 4 (četiri) zaprimljena predmeta ne odnose na neposredno postupanje po molbama, već se radi o predmetima u kojima je Ministarstvo pravde Bosne i Hercegovine, odnosno Komisija za pomilovanje u okviru svojih ovlaštenja vršila odgovarajuće pismene korespondencije sa nadležnim organima, davala pravna mišljenja i izvještaje, obavještavala, dostavljala relevantne odgovore na upite zainteresovanih osoba, tražila informacije, te vršila druge poslove iz svoje nadležnosti.

Uvidom u evidencije koje se vode kod ovog ministarstva utvrđeno je da je u ukupnom broju razmatranih i zaprimljenih predmeta u toku 2018. godine postupano sa 77 (sedamdeset sedam) različitih akata što govori u prilog činjenici da se radi o obimnom i složenom poslu ali i o ažurnosti u radu Komisije za pomilovanje.

4. Dostavljanje izvještaja Parlamentarnoj skupštini BiH

Odredbama člana 20. stav 1. Zakona Bosne i Hercegovine o pomilovanju, utvrđena je obaveza Predsjedništva Bosne i Hercegovine da jednom godišnje obavijesti Parlamentarnu skupštinu o odlukama o pomilovanju donesenim tokom prethodne kalendarske godine.

Takođe u cilju lakšeg sagledavanja sadržaja ovog izvještaja i advekatnijeg korištenja potrebnih podataka, dostavljamo Vam u prilogu tabelarni prikaz datih pomilovanja, kao i tabelarni prikaz odbijenih molbi za pomilovanje u 2018. godini.

S poštovanjem,

**GENERALNI SEKRETAR**
Zoran Đerić

**TABELARNI PRIKAZ DATIH POMILOVANJA
za period januar-decembar 2018. godine**

Broj datih pomilovanja	Naziv krivičnih djela	Član krivičnog zakona	Izrečena krivičnopravna sankcija Vrsta datih pomilovanja	Milijenje suda	Prijedlog Ministarstva pravde Bosne i Hercegovine
0	0	0	0	0	0

**TABELARNI PRIKAZ ODBIJENIH MOLBI ZA POMILOVANJA
za period januar-decembar 2018. godine**

Broj odbijenih molbi	Naziv krivičnih djela	Član krivičnog zakona	Izrečena krivičnopravna sankcija	Milijenje suda	Prijedlog Ministarstva pravde Bosne i Hercegovine
1	Organizovanje terorističke grupe	čl. 202d. st.2. u vezi sa st. 1. a u vezi sa čl. 201. KZ-a BiH	Kazna zatvora u trajanju od 1 (jedne) godine	Da se molba za pomilovanje osuđenog ne uvaži	Da se molba za pomilovanje osuđenog ne uvaži
1	Produženo krivično djelo poreske utaje ili prevare	čl. 210. st.4. u vezi sa čl. 54. KZ-a BiH	Kazna zatvora u trajanju od 3 (tri) godine	Da se molba za pomilovanje osuđenog ne uvaži	Da se molba za pomilovanje osuđenog ne uvaži
1	Terorizam	čl. 201. st. 1. u vezi sa st. 5. tač. b) , a sve u vezi sa čl. 30. KZ-a BiH	Kazna zatvora u trajanju od 6 (šest) godina	Da se molba za pomilovanje osuđenog ne uvaži	Da se molba za pomilovanje osuđenog ne uvaži
1	Organizovani kriminal u vezi sa produženim krivičnim djelom poreska utaja	čl. 250 st. 4. u vezi sa čl. 210. st. 2. a u vezi sa čl. 54. KZ-a BiH	Kazna zatvora u trajanju od 2 (dvije) godine	Da se molba za pomilovanje osuđenog ne uvaži	Da se molba za pomilovanje osuđenog ne uvaži
1	Neovlašteni promet opojnim drogama	195. st. 1. KZ-a BiH	Kazna zatvora u trajanju od 1 (jedne) godine	Da se molba za pomilovanje osuđenog ne uvaži	Da se molba za pomilovanje osuđenog ne uvaži